

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-16630/25
Sarajevo, 01.9.2025. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

o izboru najpovoljnijeg ponuđača - Izvođenje radova na nastavku izgradnje vodovodne mreže u naselju Zabrđe – VOD 3 i VOD 4

I

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na nastavku izgradnje vodovodne mreže u naselju Zabrđe – VOD 3 i VOD 4, broj obavještenja 422-1-3-94-3-130/25, objavljeno na Portalu javnih nabavki BiH dana 15.7.2025.godine. Ispravka tenderske dokumentacije TD_IZM1_455-1-3-94_25 od 29.7.2025.godine i u “Službenom glasniku BiH” – Oglasnik javne nabavke broj 42/25 od 18.7.2025.godine, dodjeljuje se ponuđaču “Manjo” d.o.o. Sarajevo sa ponudenom cijenom za okvirni sporazum u iznosu od 759.500,00 KM bez PDV-a, odnosno 888.615,00 sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-16630/25 od 10.7.2025.godine Općina Novi Grad Sarajevo pokrenula je otvoreni postupak javne nabavke – Izvođenje radova na nastavku izgradnje vodovodne mreže u naselju Zabrđe – VOD 3 i VOD 4, broj obavještenja 422-1-3-94-3-130/25, objavljeno na Portalu javnih nabavki BiH dana 15.7.2025.godine. Ispravka tenderske dokumentacije TD_IZM1_455-1-3-94_25 od 29.7.2025.godine i u “Službenom glasniku BiH” – Oglasnik javne nabavke broj 42/25. Procijenjena vrijednost nabavke je 769.230,77 KM bez PDV-a, odnosno 900.000,00 KM sa PDV-om.

Zapisnikom o otvaranju ponuda od 05.8.2025. godine Komisija je konstatovala da je u predviđenom roku u propisno upakovanim kovertama pristiglo šest (6) ponuda ponuđača:

1. „Hidrom“ d.o.o. Sarajevo
2. „Bujice“ d.o.o. Konjic
3. „Mibral“ d.o.o. Sarajevo
4. „Manjo“ d.o.o. Sarajevo
5. „Ted Invest“ d.o.o. Sarajevo
6. grupa ponuđača „Hydra“ d.o.o. Sarajevo i „Hydro Control“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je konstatovala da dostavljena ponuda grupe ponuđača „Hydra” d.o.o. Sarajevo i „Hydro Control” d.o.o. Sarajevo ne ispunjava kvalifikacione uslove tražene u tenderskoj dokumentaciji tačke 4.1. – Priprema ponuda gdje stoji da su *ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.* Komisija je konstatovala da ponuđač nije pravilno ispunio Obrazac za ponudu Aneks 2 tj. da nije ispunio podatke za sve članove konzorcija kako je to bio obavezan učiniti u skladu sa tenderskom dokumentacijom, već je upisao podatke samo za jednog člana konzorcija a u Obrascu za ponudu Aneks 2 stoji da *Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se podatak da je to predstavnik grupe ponuđača.*

Nadalje, vršeći analizu dostavljene ponude Komisija je konstatovala da u ponudi nedostaje obrazac Aneks 6 tj. Izjava o sukobu interesa za člana konzorcija „Hydro Control” d.o.o. Sarajevo, dok je za predstavnika konzorcija „Hydra” d.o.o. Sarajevo Aneks 6 dostavljen. Obzirom da je članom 52. Zakona o javnim nabavkama propisano da „svaki ponuđač dužan uz ponudu dostaviti i posebnu pisanu izjavu ovjerenu kod nadležnog tijela da nije nudio mito niti sudjelovao u bilo kakvim radnjama koje za cilj imaju korupciju u predmetnoj javnoj nabavi”, a kako je Komisija konstatovala da je izjava dostavljena samo za jednog člana konzorcija, to je utvrđeno da je grupa ponuđača ne ispunjava uslove iz tačke 3.6.2. tenderske dokumentacije.

Takođe Komisija je konstatovala da dostavljena ponuda grupe ponuđača ne ispunjava kvalifikacione uslove tražene u tenderskoj dokumentaciji tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio minimalno jedan ugovor koji za predmet ugovora ima radove izgradnje vodovodne distributivne mreže vrijednosti najmanje 450.000,00 KM sa PDV-om, a *tačkom 3.4.2. (a) propisano je da se navedeno dokazuje dostavljenjem liste izvršenih ugovora ponuđača kao dokaz da je u protekle tri godine uspješno izvršio minimalno jedan ugovor koji za predmet ugovora ima radove izgradnje vodovodne distributivne mreže vrijednosti najmanje 450.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove izgradnje vodovodne distributivne mreže vrijednosti najmanje 450.000,00 KM sa PDV-om koju je izdala ugovorna strana – naručilac radova, a koja sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.*

Ponuđač je na stranici broj 39. ponude dostavio potvrdu o uredno realiziranom ugovoru za Izgradnju autoputa na koridoru Vc, Nemila-Donja Gračanica Dionica, Poddionica Nemila – Vranduk, koju je izdao „HGG İnsaat Anonim Sirketi” Ankara, broj BH-NV-25-284 od 15.5.2025. godine gdje se navodi da je ponuđač „Hydra” d.o.o. Sarajevo uredno izvršio predmetni ugovor. Komisija je konstatovala da je nejasno u kom svojstvu je firma „Hydra” d.o.o. Sarajevo realizovala radove iz dostavljene potvrde, obzirom da se radi o javnim radovima, te je konstatovala da je potvrdu o urednom izvršenju posla mogao izdati samo naručilac radova u skladu sa članom 73. Zakona o javnim nabavkama. Ocjenu kvaliteta radova ne vrši sam izvođač u ovom slučaju „HGG” d.o.o. Ankara nego naručilac radova putem nadzornog organa i drugim propisima predviđenim mehanizmima. Potvrde o uspješnoj realizaciji ugovora mora da izda investitor odnosno naručilac posla kako je to predviđeno tenderskom dokumentacijom, a ne da potvrde međusobno izdaju subjekti koji su bili angažovani na izvođenju radova. Shodno gore navedenom Komisija nije mogla cijeliti dostavljenu potvrdu kao prihvatljivu, jer nije izdata od strane naručioca radova.

Iz naprijed navedenih razloga utvrđeno je da je ponuda grupe ponuđača „Hydra” d.o.o. Sarajevo i „Hydro Control” d.o.o. Sarajevo ne ispunjava uslove tražene u tenderskoj dokumentaciji iz tački 4.1. – priprema ponuda, 3.4.1. (a) tehnička i profesionalna sposobnost te je ponuda odbačena shodno odredbama člana 68. stav (4) tačka ii Zakona o javnim nabavkama, odnosno ponuda je nepravilna.

Komisija je pristupila analizi i procjeni dokumentacije preostalih ponuda te konstatovala da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala računsku grešku u ponudi ponuđača „Manjo” d.o.o. Sarajevo u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije koja se odrazila na ukupno ponudenu cijenu za ugovor u Aneksu 2 i Aneksu 3 ponude tako da ista treba da iznosi 765.958,25 KM bez PDV-a, cijena PDV-a treba da iznosi 130.212,90 KM te ukupno ponudena cijena za ugovor treba da iznosi 896.171,15 KM sa PDV-om. Shodno navedenom, Komisija je dana 11.8.2025. godine uputila ponuđaču Obavještenje o ispravci računске greške o čemu je ponuđač dostavio saglasnost na ispravku računске greške broj 071-25. 11.8.2025. godine.

Takođe računska greška je konstатовana i u dostavljenoj ponudi ponuđača „Ted Invest” d.o.o. Sarajevo u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije koja se odrazila na ukupno ponudenu cijenu za ugovor u Aneksu 2 i Aneksu 3 ponude tako da ista treba da iznosi 766.779,45 KM bez PDV-a.

cijena PDV-a treba da iznosi 130.352,51 KM te ukupno ponuđena cijena za ugovor treba da iznosi 897.131,96 KM sa PDV-om.

Shodno navedenom, Komisija je dana 11.8.2025.godine uputila ponuđaču Obavještenje o ispravci računске greške o čemu je ponuđač dostavio saglasnost na ispravku računске greške broj 02-230/25, 11.8.2025. godine.

Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. "Bujice" d.o.o. Konjic sa ponuđenom cijenom za okvirni sporazum u iznosu od 759.966,63 KM bez PDV-a.
2. "Manjo" d.o.o. Sarajevo sa ponuđenom cijenom za okvirni sporazum u iznosu od 765.958,25 KM bez PDV-a.
3. "Hidrom" d.o.o. Vogošća sa ponuđenom cijenom za okvirni sporazum u iznosu od 766.593,56 KM bez PDV-a.
4. "Ted Invest" d.o.o. Sarajevo sa ponuđenom cijenom za okvirni sporazum u iznosu od 766.779,45 KM bez PDV-a.
5. "Mibral" d.o.o. Sarajevo sa ponuđenom cijenom za okvirni sporazum u iznosu od 768.930,24 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 19.8.2025. godine sa početkom u 9:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-94/25 od 19.8.2025.godine, Komisija je utvrdila da konačna rang lista izgleda kako slijedi:

1. "Manjo" d.o.o. Sarajevo sa ponuđenom cijenom za okvirni sporazum u iznosu od 759.500,00 KM bez PDV-a.
2. "Bujice" d.o.o. Konjic sa ponuđenom cijenom za okvirni sporazum u iznosu od 759.966,63 KM bez PDV-a.
3. "Hidrom" d.o.o. Vogošća sa ponuđenom cijenom za okvirni sporazum u iznosu od 766.593,56 KM bez PDV-a.
4. "Ted Invest" d.o.o. Sarajevo sa ponuđenom cijenom za okvirni sporazum u iznosu od 766.779,45 KM bez PDV-a.
5. "Mibral" d.o.o. Sarajevo sa ponuđenom cijenom za okvirni sporazum u iznosu od 768.930,24 KM bez PDV-a.

U skladu sa članom 10. Pravilnika o uslovima i načinu korištenja e-aukcije izvršeno je umanjeno za svaku poziciju tehničke specifikacije za procenat koji iznosi konačno procentualno umanjeno cijene postignute nakon e-aukcije, tako da ponuđena cijena za okvirni sporazum ponuđača „Manjo“ d.o.o. Sarajevo iznosi 759.500,00 KM bez PDV-a, odnosno 888.615,00 KM sa PDV-om, o čemu je ponuđač dostavio saglasnost dana 20.8.2025. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem „Manjo“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova

Općinski načelnik
mr. Semir Efendić